

Curiosidade, novas de importu prò connoscher s'istoria nostra

Sedilo, 1806: in sos registros de sa Cresia

de *Sarbadoranzelu Manca*

Est in su Conciliu de Trento (1545-1563) chi benidi ordinau a sos rettores de faere s'anagrafe de sas parrocchias. Custos rezistros "Quinquem librum" gasi mutios ca funi zustu chimbe, e sinnaiana, unu sos batiaras, unu sas cresimas, unu sos coios, s'ateru sas mortes, su de chimbe fudi s'istadu de sas animas; e de cussu chistionamos in custu articulu.

Est su de s'annu 1806, iscritu in ispagnolu, mancari sa Sardinna fu zai de su 1718(1) in manos piemontesas; e custu fudi dipesu da-e su fatu chi Vittorio Amedeo II primu monarca sabaudu in Sardinna, no aiada crefiu imponnere sa limba italiana pò non provocare reatziones contra da-e parte de sa nobiltade e de su clero presos a s'Isparnia e chi non ian bisu bene su passazu de sa Sardinna a sos de Savoia.(2) Ma torrante a su rezistru o "Matricula y estado de las almas" sa prima parte nos narada cernente est istau cumpiiu:(3)

Rezistru e istadu de sas animas de sa 'idda de Sedilo pò s'annu 1806, annu sestu de su Pontificau de su Santu Padre Pio Settimo, essendo piscamu in Bosa su reverendissimu sennore Don Cavino Murru, pò che essere torrada custa 'idda a sa

diocesi sua.(4) Custu rezistru est cumpiiu sa die sete de bennarzu 1806, da-e su meda illustre reverendo dolore e retore Don Pedro Pablo Massidda, essende curatos, su reverendo Miguel Loddo, Ioseph Anghel Mura, Antonio Ioseph Niola e Antonio Murgia, nande puru chi su numeru chi est a s'ala manca est s'edade de onniunu e su numeru postu suta sas famillias narada cantas animas b'ada in cussa famiglia. Sa prima "C" chi est infatu a onnia numene narada ca su registrau cunfessada, sa segunda "C" est ca est cresimau, sa de tres ca comunigada; suni sinnaos in su rezistru sos pitzinnos, cun sos annos pretzistos chi tenene pò ddos tennede a mentee bis imparare sa Drutina Cristiana, Atu de Fede, Isperantzia, Caridade e Contrizione, a manera chi gasi istruios in pitzinnia potzana cun facilitade acortziare a sos Santissimos Sacramentos de sa Cresia. bene dispostos m s'amoree timore de Deus, abarrande innotzentes e gasi arribare a s'edade perfetta. Custu rezistru e istadu de sas animas est bistau dividiu in bighinaos, cunforme a su Rituale Romanu e est cernente sighidi. Da-e custu puntu cornintzada s'elencu de sos abitanti de sa 'idda partinde da-e sos peidres, chi funi deghe, (estado

eclesiastico), chi benini fintzas rezistraos cun sa famiglia isserò in su bighinau inue biven e suni: su Retore Don Pedro Paolo Massidda, Miguel Loddo curato, Ioseph Anghel Murru, Antonio Murgia curato, Antonio Ioseph Niola, Leonardo Melis, Antonio Salvatore Sanna, Antonio Francesco Manai, Antonio Ignazio Guisu, Diego Melis. Sighini su procuradore de sa parrocchia, Simone Sanna Manca, s'obrieri de santu Antinu Constantino Mele Serra, e sos zaganos Pedru Delogu e Sarbadore Mura. Su rezistru sighidi



Rugu de zente de sos tempos colaos.


cun sa famillias de su Primu Bighinaiu, 161 abitantes, 332 in Benepadru , 427 in S'ena, 344 suni in Cormpare, 441 in Corrupare de Susu e 258 in Muntonarzu, duos pobiddu (s'eremitanu) e muzere bivene in Santu Antinu. In totu Sedilo teniada 1965 abitantes.(5)

Comente funi cumpostas custas famillias?

Medas bortas sighiana a bivere in sa matessi 'orno sos fizos cojuaos cun sa famillia insoro, su gradu de parentiu , in su rezistru, est sempre riferiu a su capuf aminia, siada s'ornine o sa femina (viuda); si b'aiada nebodes, fizos de fizu, funi sinnaos "nieto-a", si funi fizos de frade o de sorre "sobnno", a bortas bi biviana sa sorga de su fizu "suegra" o connau "cugnado-a" sa nura "nuera" o su benneru "higemo". Bi sum sinnaos fintzas sos serbidores o tzeracos "motzo-a" o a bortas pessones mutias solamente "habitantes" e si sos fizos funi naschios limanti de si cojuare in eresia "anteados"; un'atera cosa est chi non ffigurada mai su sambenau de sa pobidda e non si cumprende de cando est fiuda, est su su o su de su pobiddu.

Sas famillias mannas non suni medas, nde agatamos una in su Primu Bighinaiu de batordighi pessones, sa de Rosa Galante (51 annos) fiuda, chi tenede sete fizos, duos suni cojuaos cun fizos; de deghe nde agatamos duas in Benepadru, sa de Simon Sanna Manca (62) e sa pobidda luanna Maria (50) una fiza e chimbe nebodes, prus unu muntovau comente "motzo" e unu cernente "habitante"; s'alerà est sa famillia de luan Sanna Meloni (52) e sa pobidda Maria Anna (42) cun otto fizos. In S'ena sa prus manna est cussa de Pasqual Meloni (43) e Maria Anna (39) cun sete fizos, nde sighidi batero de otto pessones, e suni: sa de Ioseph Carboni Niola (44) e Maria Iosepha (39) e ses fizos, sa de Constantmo Sanna Carta (47) e Maria Iosepha (43) e ses fizos, de annotare chi sos primos duos ddos ada mudo ambos Constantino; sighidi sa de Pedro Niola Guiso(76) cun tres fizos, unu nebode "sobrino" e tres serbidores.

In Corrubare de susu bi suni Salvador Onida (63) e Maria Angela (45) cun ses fizos unu connau



Su palatzu de s'osilo 'etzu (cartolina del 1938)

e duos nebodes, undighi in totu, de deghe b'agatamos a luan Barranca Mele (73) cun luanna Anghela (64) cun fizu, nura, tres nebodes e batero "habitantes". In Corrupare sa famillia prus manna est sa de luan Lipanu (60) e Maria Iosepha (46) cun sete fizos; sighini duas de otto:

Gasparo Mameli (61) e Anna (46) e ses fizos, luan Batista Putzulu Carta (46) e Pedrucha (46) semper cun ses fizos.

Fintzas Antonio Falqui Som (66) e Maria Angela (62) arribana a deghe , cun tres fizos unu benneru e batero nebodes, bivene in Muntonarzu, comente Antonia Angela Ledda (57) cun d'una fiza benneru, tres nebodes, duos serbidores e suni otto.

Sa vida non fudi meda longa, s'ornine prus betzu fudi unu peidre, Miguel Loddo (94) chi biviana in Benepadru cun duas netas, sighiu de luan Antonio Piras (89) in S'ena ; de sas feminas sa prus manna fudi Gracia Angela Niola (77) chi che biviana in Corrupare.

Sos sambenaos

Bi aiada sambenaos chi como non agatamos prus, paritzos meda impitaos, ateros de una o duas famillias. Non che tenimos prus : Asuni, Argiolas, Berrita, Buttiu, Colovrinu, Cucca, Ciprissu, Cau, Diligu, Denughes, Dorè, Deligia, Fais, Guisu, Galante, Ibba, Loru, Leiesu, Lepori, Lenti, Murru, Moro, Muneda, Manconi, Massidda, Peis o Pais, Piredda, Pintore, Pisu, Più, Ruiu, Sequi, Serra, Sale, Senis, Soro, Satta, Tocu, Theodoro, Zara,

Zopu; ateros suni un acantu diferentes, ma podede dependede da-e comente suni iscritos. Sambenaos de oe chi non agatamos tando suni: Aghedu, Atzas, Chessa, Corongiu, Dettori, Muscau, Porcu, Sardara, e ateros.

Sos numenes

Si usaiada meda a ponnere duos numenes, belle e sempre distintos, a bortas si pesiana pobiddu e muzere ancora in vida; e custa usantzia est durada fintzas a metade de su '900, in custu casu su segundu numene serviada pò distinghere. Unu numene meda impitau in azunta fudi Maria, pò femina e fintzas pò ornine; un'ateru fudi Angela, azuntu a Antonia, Dominga, Maria, Bantina e ateros. Custu de Bantina, ca si poniada solu a sas feminas, sos omnes funi mutios totu Constantino, unu ebia est rezistrau Bantine. Sos prus impitao suni: Andres, Angelo-a, Antonio-a, Anna, Baquis, Bantina, Batista, Catharma, Constantino, Francisco-a, Iuan-na, Ioseph-a. Lucia, Maria, Madalena, Miguel-a, Paolo, Pasqual, Pedro-Pedrucha, Quirigo-a. Rosa, Salvador, Theresa, Vitoria. Su numene chi in mesu a-i custos ispantada est Quirigo, s'ispietazione est ca fortzis unu tempus ddu festiamos; s'istatua de custu santu est oe in sa eresia de santu 'Asili e che fudi istada pigada da-e sa

eresiedda de santa Catolica, abandonada, parede in sos primos annos de su '900.(6)

Su prus de custos numenes suni arreaos fintzas a oe, bi nd'ada unu chi est istau meda impitau in su seculu coiau, Rafaele, chi in su rezistru agatamos una orta ebia; no n s'intendene prus custos: Argangel, Baldasar, Desiderio, Evangelista, Felis, Gasparo, Geltrudis, Ieronimo, Petronilla, Roco, Theodoro, Ursula. Custu est su chi c'amos potziu bogare pò como da-e custu rezistru, chi est sa dimostrazione ca s'archi viu de sa eresia de Sedilo est prenu de cantos mannos de s'istoria de custa comunidade chi isetana de che essere bogaos a pizu. Fininde mi est dovere narrer grazias a Don Agostino Carboni rettore de Sedilo, pò mi aer permissu e azuau in custa erica.

Foto degli anni trenta

Stralcio di una pagina dell'archivio parrocchiale di Sedilo

- 1) Acordude Londra 2-8-1718, tratta de S'AIA 17-2-1720.
- 2) R. PALMAROCCHI Sardegna Sabauda
- 3) Su cantu chi s'ighidi est bistau bortau in italianu da-e Francesco Viridis, unu grazie fintzas a Margherita Lampreu chi m'ada azuau a bortare in sardu, da-e s'ipagnolu, su restu de su rezistru
- 4) Sedilo est bmtada m sa diocesi de Bosa in su 1803.
- 5) In su pnu censimentu de sa dominazione sabauda (1728), sos abitanes in Sardinna funi 309 860. CORRIDORE Stona documentata della popolazione
- 6) Informazione iada da-e Iuanna Maria Pes "de su Becu.

Visindado Corrubare		30/11/18	
52 Luis Carboni Carta	ccc	13: S. ^a Iuana	ccc
42: Vit. mgr	ccc	6 Sebastian Iugo	ooo
20: Anna Vit. Iugo	ccc	1 S. ^a Baquis Iugo	ooo
13: Mauro Iugo	ccc	40: Theresa habitante	ccc
16: S. ^a Baquis Iugo	ccc	12: Gavino habitante	ccc6
10: Pasqual Iugo	ccc	52: Simon Lepori Padella fam	ccc
8: Sebastiana Iugo	ccc	49: M. ^a Angela mgr	ccc
43: Salvador Savina Carta	ccc	24 S. ^a Baquis Iugo	ccc
39: Franca Angela mgr	ccc	20: Joseph Iugo	ccc
6: Joseph habitante	ooo	13: Pedro Iugo	ccc5
0 Contho Iugo	ooo	72: M. ^a Angela Spada vivida fam	ccc
		33: M. ^a Iria mgr	ccc2
		11: S. ^a Pedro Iugo	ccc